

## OTVORENA JAVNA RASPRAVA O DOPRINOSIMA I POREZU NA DOHODAK

Federalno ministarstvo finansija/financija je 04.10.2017. godine objavilo otvaranje javne rasprave za nacрте Zakona o doprinosima i Zakona o porezu na dohodak, usvojene na 21. sjednici Doma naroda Parlamenta Federacije Bosne i Hercegovine (FBiH) održanoj 21.09.2017. godine. Javna rasprava je otvorena do 01.01.2018. godine, te se do ovog datuma mogu dostavljati primjedbe i sugestije.

### ZAKON O DOPRINOSIMA

Neke od značajnih novina i izmjena koje predviđa nacrt novog zakona o doprinosima su:

- ukidanje obaveze uplate doprinosa na teret poslodavca;
- proširen krug obveznika uplate doprinosa (npr. direktori po osnovu "menadžerskog ugovora");
- proširena mjesečna osnovica za obračun doprinosa, na način da obuhvata druga primanja od nesamostalnog rada, naknadu za topli obrok, naknadu za prijevoz, naknadu za regres, kao i sva ostala primanja po osnovu naknada, koristi, premija, potpora, bonusa, nagrada, dnevnica, terenskog dodatka i otpremnina isplaćenih iznad neoperezivih iznosa;
- doprinosi će se obračunavati po stopi od 18,5% za obavezno penzijsko i invalidsko osiguranje, po stopi od 13,5 % za obavezno zdravstveno osiguranje i za osiguranje u slučaju nezaposlenosti po stopi od 1%;

Valja posebno istaknuti da je novim zakonom predviđeno da je organizacija za obavljanje unutrašnjeg platnog prometa (OOPP) dužna odbiti provođenja naloga za plaćanje za isplatu plaće ako je poslodavac istovremeno uz nalog za plaćanje za isplatu plaće nije predao naloge za plaćanje doprinosa, a za što je i predviđena kazna u visinu od 20.000 do 200.000 KM. Također, OOPP je dužna na dnevnoj osnovi dostavljati Poreznoj upravi FBiH izvještaj o odbijenim nalogima za isplatu plaće bez uplate doprinosa.

Nacrtom zakona su predviđene drakonske kazne za prekršioce odredbi ovog Zakona, a koje se kreću u rasponu od 1.500 KM do 200.000 KM.

### ZAKON O POREZU NA DOHODAK

Neke od značajnijih novina i izmjena koje predviđa nacrt novog zakona o porezu na dohodak su:

- nova metodologija obračuna i stope (stopa poreza na dohodak od 10% na primanja do 800 KM, a 20% na razliku dohodka preko 800 KM);

- visina ličnog odbitka (8.400 KM za porezni period za koji postoji obaveza plaćanja poreza);
- oporezivanje prihoda ostvarenih prenosom dionica i vrijednosnih papira, stvarnih prava na nepokretnosti, udjela u kapitalu pravnih lica i udjela u investicionim fondovima;
- kazne za prekršioce u iznosu od 2.000 KM do 70.000 KM

Ukoliko želite učestvovati u javnoj raspravi ili imate bilo kakvih pitanja, naš tim će vam sa zadovoljstvom pomoći.

## O WOLF THEISS-u

Wolf Theiss je jedna od vodećih konsultantskih firmi u srednjoj, istočnoj i jugoistočnoj Evropi. Izgradili smo reputaciju kombinirajući poznavanje lokalnih prilika i snažnu sposobnost poslovanja na međunarodnom nivou. Otvorili smo prvi ured u Beču prije gotovo 60 godina. Naš tim danas okuplja preko 340 pravnika koji imaju raznoliko iskustvo i koji rade u 13 ureda na području srednje, istočne i jugoistočne Evrope. Ukoliko imate pitanja za nas, ne oklijevajte kontaktirati naše stručnjake:



### **Samra Hadžović**

Advokat u saradnji sa Wolf Theiss-om  
[samra.hadzovic@lawoffice-hadzovic.com](mailto:samra.hadzovic@lawoffice-hadzovic.com)  
T: +387 33 953 457



### **Amar Močević**

Stručni saradnik  
[amar.mocevic@wolftheiss.com](mailto:amar.mocevic@wolftheiss.com)  
T: +387 33 953 463

Ovaj memorandum pripremljen je u svrhu pružanja opće informacije te ne predstavlja pravni savjet.

Slijedom toga, WOLF THEISS ne prihvaća nikakvu odgovornost za bilo čije djelovanje ili propuštanje, na bilo koji način, a koje je utemeljeno na informacijama sadržanim u ovom memorandumu.

Ako želite saznati više o temi ovog memorandum ili općenito o našim uslugama, molimo Vas da se obratite na gore navedene kontakte ili na:

Wolf Theiss d.o.o. Sarajevo  
Zmaja od Bosne 7/III  
71000 Sarajevo  
Bosna i Hercegovina  
Tel.: +387 33 953 444  
Fax: +387 33 953 445

[www.wolftheiss.com](http://www.wolftheiss.com)